



ՀՀ ՏՆՏԵՍԱԿԱՆ ԶԱՐԳԱՑՄԱՆ ԵՎ ՆԵՐԴՐՈՒՄՆԵՐԻ ՆԱԽԱՐԱՐՈՒԹՅՈՒՆ

ՀԻՄՆԱԿԱՆ ԱՇԽԱՏԱՆՔՆԵՐԻ  
ԱՐԴՅՈՒՆՔՆԵՐԻ  
ՀԱՇՎԵՏՎՈՒԹՅՈՒՆ



2017 թվական

Երևան, 2018 թ.

## Արտաքին շուկաների դիվերսիֆիկացիա և մատչելիության բարձրացում

- ✔ Ավարտվել են «ԵԱՏՄ անդամ երկրների և Իրանի Իսլամական Հանրապետության միջև ազատ առևտրի մասին» և «ԵԱՏՄ անդամ պետությունների և ՉԺՀ-ի միջև առևտրատնտեսական համագործակցության մասին» համաձայնագրերի շուրջ բանակցային փուլերը: Համաձայնագրերը ներկայացվել են ԵԱՏՄ անդամ պետությունների ներպետական համաձայնեցմանը: Սերբիայի, Իսրայելի, Հնդկաստանի, Եգիպտոսի և Սինգապուրի հետ համաձայնագրերը բանակցային տարբեր փուլերում են:
- ✔ Հստակեցվել և ամրագրվել են ԵՄ «GSP+» արտոնյալ առևտրային ռեժիմի ներքո «Գրանցված արտահանողների համակարգ» (REX) ինքնահավաստագրման էլեկտրոնային համակարգի շրջանակներում գրանցում և վարչական համագործակցություն իրականացնող պատասխանատու մարմինները՝ ապահովելով համակարգի ներդրման գործընթացը: Ամփոփվում է REX-ի կիրարկման իրավական շրջանակը՝ համակարգի մեկնարկն իրականացնելու նպատակով:

## Արտահանման զարգացման ենթակառուցվածքներ

- ✔ ՌԴ շուկայում հայկական ծագման ապրանքների վաճառքի խթանման և աջակցության նպատակով ներդրվել և շահագործվում է «Armzon» էլեկտրոնային առևտրի հարթակը: Կայքում ներկայացված է հայկական ծագման ապրանքների գրեթե ողջ տեսականին՝ մոտ 2000 արտադրողի 10000 անուն ապրանքատեսակներ, այդ թվում՝ սննդամթերք, հագուստ, արվեստի գործեր և այլն: Armzon.am կայքում իրենց արտադրանքը կարող են ներկայացնել ինչպես խոշոր, այնպես էլ՝ փոքր և միջին տնտեսվարող սուբյեկտները:
- ✔ Ընտրված 5 թիրախային շուկաների (ԱՄԷ, Չինաստան, ԱՄՆ, Իրան, Կատար) մասով մշակվել են արտահանողների համար անհրաժեշտ տեղեկատվական փաթեթները և ապահովվել է տեղեկատվության հասանելիությունը:
- ✔ Երկակի և ռազմական նշանակության ապրանքատեսակների արտահանման և ներմուծման գործընթացը դյուրացնելու նպատակով «Էն Փի Սի» ՍՊԸ-ն համատեղ քննարկումների արդյունքում մշակվել է նախկինում փորձաքննություն անցած ապրանքատեսակների շտեմարան, որն ընդգրկում է ավելի քան 13.000 ապրանքատեսակ: Շտեմարանը հնարավորություն է տալիս կայքում գրանցված տնտեսվարողներին գտնել իրենց կողմից ներմուծվող և արտահանվող ապրանքները ցանկում և չանցնել կրկնակի փորձաքննություն՝ տնտեսելով ժամանակ և ֆինանսական միջոցներ: Աշխատանքներ են նաև տարվում էլեկտրոնային համակարգը ՀՀ ԿԱ ՊԵԿ-ի «Մեկ պատուհան» համակարգին միացնելու ուղղությամբ:
- ✔ Ներդրվել է ծագման երկրի հավաստագրի ստացման մշտական անվանացանկի մեխանիզմը, որի դեպքում մշտական անվանացանկի համար փորձաքննություն է իրականացվում մեկ անգամ և անժամկետ: Կազմակերպվել են սեմինար-քննարկումներ բիզնեսի ներկայացուցիչների հետ, որի ժամանակ ներկայացվել են մշտական անվանացանկից օգտվելու ընթացակարգերը:
- ✔ Չինաստանում նշանակվել է ՀՀ առևտրական կցորդ, իսկ Ավստրիայում, Թուրքմենստանում և Շվեյցարիայում ՀՀ առևտրական ներկայացուցիչներ:
- ✔ Չինաստանի Ցինտաո քաղաքում բացվել է ՀՀ համագործակցության գրասենյակ: «Մեկ գոտի, մեկ ճանապարհ ինովացիոն համագործակցության կենտրոնի» կողմից ֆինանսավորվող գրասենյակի ներքո հայ գործարարները հնարավորություն կստանան հիմնելու իրենց ձեռնարկությունների ներկայացուցչությունները: Գրասենյակը զբաղվելու է չինական շուկայում հայկական ապրանքների և ծառայությունների ներկայացմամբ և իրացմամբ, զբոսաշրջության խթանմամբ և հայ-չինական գործարար կապերի ստեղծմամբ:

## Արտահանման վրա հիմնված արդյունաբերության զարգացում

- ☞ Ֆրանսիական «Բետրանկուր» ընկերության ներկայացուցիչների՝ նախարարության հրավերով այցի նախնական պայմանավորվածությունների ներքո «Գլորիա» և «Արմտեքս» ընկերություններին ներկայացվել են նմուշներ, բանակցություններ են ընթանում գնային առաջարկի մասով: Նախապատրաստվում է առաջարկ համատեղ արտադրություն հիմնելու մասով:
- ☞ Ֆրանսիական գործարարի և «Ալեքս տեքստիլ» ընկերության միջև համագործակցության արդյունքում սեպտեմբերին ստեղծվել է գործված հագուստի արտադրություն՝ 1.6 մլն ԱՄՆ դոլարի ներդրմամբ և 60 աշխատատեղի ստեղծմամբ:
- ☞ Ծխախոտի արտադրության ոլորտում թուրքմենական կողմի հետ «ՍՊՍ Սիգարոն» ՍՊԸ-ի հետ համատեղ արտադրանքի պահանջարկի ձևավորման ուղղությամբ աշխատանքներն ավարտվել են և ներկայումս ընկերության արտադրանքն արտահանվում է Թուրքմենիա:
- ☞ ՄԱԱԶԿ (UNDO) «Հայաստանի արտահանման ուղղվածություն ունեցող ճյուղերի մրցունակության բարձրացում արդիականացման և շուկան մատչելի դարձնելու միջոցով» ծրագրի երկրորդ փուլի շրջանակներում շահառու 7 ընկերությունների կողմից 2017թ. ընթացքում կնքվել են 1.2 մլն ԱՄՆ դոլարի արտահանման պայմանագրեր ռուսական Dimanche, Smena, Fasel, Sela, Finn Flare, Slavyanka, Winnie և Trade Modus ցանցերի հետ:
- ☞ Ընկերությունների կողմից իրականացվող ներդրումային ծրագրի շրջանակներում ներմուծվող ապրանքների մաքսային և հարկային մարմինների կողմից հաշվարկվող ԱԱՀ վճարման ժամկետների հետաձգման գործիքի ներքո հավանության է արժանացել 27 ընկերության ներդրումային ծրագրեր, որոնց շրջանակներում նախատեսվում է իրականացնել 220,6 մլրդ ՀՀ դրամի ներդրում՝ ստեղծելով շուրջ 1440 նոր աշխատատեղ: Ընդ որում՝ սարքավորումների համար նախատեսված գումարը կազմում է 48,7 մլրդ ՀՀ դրամ, իսկ հետաձգված ԱԱՀ-ի գումարը՝ 9,7 մլրդ ՀՀ դրամ:
- ☞ Արտահանմանն ուղղված արդյունաբերական քաղաքականության ռազմավարությամբ նախատեսված միջոցառումների իրականացման պետական աջակցության ծրագրի շրջանակներում Հայաստանի զարգացման հիմնադրամի աջակցությամբ իրականացվել, կազմակերպվել և/կամ ապահովվել է արտերկրում և Հայաստանում անցկացված գործարար համաժողովների հայկական կողմի մասնակցությունը, որոնց շրջանակներում կնքվել է 11 հուշագիր, 1 էքսկլյուզիվ պայմանագիր և ձեռք են բերվել մի շարք պայմանավորվածություններ: Ապահովվել է հայկական 93 ընկերության մասնակցություն արտերկրում կայացած 10 միջազգային ցուցահանդեսի, որոնց արդյունքում կնքվել է շուրջ 100 արտահանման պայմանագրեր՝ մոտ 5.4 մլրդ ՀՀ դրամի չափով: «ՓՄՁ Ներդրումներ ՈՒՎԿ» ՓԲԸ-ի կողմից ծրագրի շրջանակներում արտադրական գործունեության վարկավորման մասնակի սուբսիդավորում է տրամադրվել թվով 10 կազմակերպության:
- ☞ Հանքարդյունաբերության ոլորտում մետաղների միջազգային գների տատանումների ազդեցությունը մեղմող «Բնօգտագործման և բնապահպանական վճարների մասին» ՀՀ օրենքում փոփոխություն և լրացում կատարելու մասին» ՀՀ օրենքի նախագիծը երկրորդ ընթերցմամբ ընդունվել է ՀՀ ԱԺ կողմից: Օրենքից բխող ենթաօրենսդրական ակտերը ընդունվել են 20.04.2017թ. N 472-Ն ՀՀ կառավարության որոշմամբ: Ընդունվել «Բոյալթի վճարողների կողմից խտանյութի իրացման շրջանառության առավելագույն սահմանաչափերը սահմանելու մասին» ՀՀ կառավարության 23.11.2017թ. N1492-Ն որոշումը: ՀՀ կառավարության աշխատակազմ է ներկայացվել «Հանքարդյունաբերության ոլորտում մետաղների միջազգային գների տատանումների ազդեցությունը մեղմող միջոցառումներին հավանություն տալու մասին» ՀՀ կառավարության արձանագրային որոշման նախագիծը:
- ☞ ՌԴ-ից ավաստի հումքի մատակարարման արդյունավետությունը բարձրացնելու նպատակով հանդիպում է կայացել ՌԴ պետ. գանձարանի (Գոխրան) ղեկավար Ա. Յուրինի և ԱԼՌՈՍԱ-ի նախագահ Ս. Իվանովի հետ: Ձեռք են բերվել վերջնական պայմանավորվածություն:

## Որակի ենթակառուցվածք

- ☞ Երևանում բացվել է «Հալալ» գրասենյակը, որի կողմից տրամադրված «Հալալ» սերտիֆիկատը գործում է Իսլամական համագործակցության կազմակերպության 57 անդամ երկրներում:
- ☞ Մշակվել և իրանական կողմի հետ համաձայնեցվել է «ՀՀ տնտեսական զարգացման և ներդրումների նախարարության և ԻԻՀ Ստանդարտների և արդյունաբերական հետազոտությունների ինստիտուտի միջև» փոխըմբռնման նոր հուշագրի տեքստը: Հուշագրի ստորագրման արդյունքում երկու երկրների համապատասխանության գնահատման մարմիններին հնարավորություն կտրվի համապատասխան գործունեություն իրականացնել նաև հարևան երկրում:
- ☞ Մշակվել և ԵԱՏՄ հանձնաժողովին ներկայացվել տեղական արտադրատեսակների առանձնահատկությունը սահմանող ստանդարտներ, որոնց ընդունումը հնարավորություն կտա առանց խոչընդոտների շուկայահանել և արտահանել ԵԱՏՄ անդամ երկրներ տեղական արտադրատեսակները և պաշտպանել տեղական արտադրողներին: Մասնավորապես, այդ արտադրատեսակներից են՝ հանքային ջրերը, կոնյակի սպիրտը, հայկական կոնյակը, նարինեն, բաստուրման, սուջուփը, կերակրի աղը և մածուկը:
- ☞ Արտադրանքի, ծառայությունների և կառավարման համակարգերի սերտիֆիկացման բնագավառում հաշվետու ժամանակաշրջանում սպասարկվել և տրամադրվել են թվով 666 ԵԱՏՄ և ՀՀ տեխնիկական կանոնակարգերով սահմանված համապատասխանության սերտիֆիկատներ:
- ☞ Հավատարմագրվել են 19 փորձարկման, 1 տրամաշափարկման լաբորատորիա, 10 արտադրանքի, 2 կառավարման համակարգերի սերտիֆիկացման մարմիններ, 1 տեխնիկական հսկողություն իրականացնող մարմին, դադարեցվել է հավատարմագրված 4 փորձարկման լաբորատորիայի և 1 արտադրանքի սերտիֆիկացման մարմնի գործունեությունը:
- ☞ Չափագիտության ազգային մարմնի կողմից իրականացվել է ՀՀ-ում և ԵԱՏՄ անդամ պետություններում, ինչպես նաև երրորդ երկրներում արտադրված և ՀՀ ներմուծված չափման միջոցների տեսակի հաստատում՝ թվով 237 հատ՝ այդ թվում 18-ը՝ փոխճանաչման միջոցով), չափման միջոցների ստուգաչափում՝ թվով 401167 հատ, չափման միջոցների վկայագրում՝ թվով 170 հատ, չափումների կատարման մեթոդիկաների չափագիտական վկայագրում՝ թվով 2 մեթոդիկա, շահագործման մեջ գտնվող չափման միջոցների փորձաքննություն՝ թվով 246287 հատ:

## Արտահանման ապահովագրություն

- ☞ Ներդրվել է նախարարատահանման ֆինանսավորման ապահովագրության ծառայություն, որով ամբողջովին լուծվել է արտահանողի՝ շրջանառու կապիտալի նկատմամբ պահանջարկը ինչպես արտադրության, այնպես էլ տարածամկետ վճարման սպասման փուլերում:
- ☞ 2017թ. ընթացքում 33 տնտեսվարող սուբյեկտների համար հաստատվել են ապահովագրական սահմանաչափեր, որոնց շրջանակներում կնքվել են ընդհանուր թվով 329 ապահովագրական վկայագրեր: Ապահովագրական գումարը կազմել է շուրջ 4,534 մլն ՀՀ դրամ (աճը՝ 2,07 անգամ), հավաքագրված ապահովագրավճարը՝ շուրջ 39 մլն ՀՀ դրամ (աճը՝ 3,15 անգամ):



**Կանոնակարգման դյուրացում**

- ☞ «Գործարարությամբ զբաղվելը 2018» վարկանիշային զեկույցի տվյալներով Հայաստանը 190 երկրների շարքում զբաղեցրել է 47-րդ տեղը՝ նախորդ տարվա համեմատ արձանագրելով 0,59 % աճ «Հեռավորությունը լավագույն արդյունքից» ցուցանիշով՝ գրանցելով 72,51 միավոր (առավելագույնը՝ 100):
- ☞ Հայաստանի գործարար միջավայրի բարելավման 2017 թվականին ծրագրված 49 միջոցառումներից 47-ը կատարվել են, 1-ի մասով անհրաժեշտ իրավական փոփոխությունները վերջնական լրամշակման փուլում են, 1-ը տեղափոխվել է 2018 թվականի ծրագիր, որի նախագիծը ներառում է թվով 43 միջոցառում:
- ☞ ՀՀ կառավարության աշխատակազմ է ներկայացվել «Գովազդի մասին» ՀՀ օրենքում փոփոխություն և լրացում կատարելու մասին» ՀՀ օրենքի նախագիծը, որի նպատակը արտաքին գովազդի ոլորտը կանոնակարգող ՀՀ օրենսդրության հստակեցումն ու կատարելագործումն է:
- ☞ 26.12.2017թ. ընդունվել է ՀՀ ՏՀՆՆ-ի կողմից մշակված «Հայաստանի Հանրապետության հարկային օրենսգրքում փոփոխություն կատարելու մասին» Հայաստանի Հանրապետության օրենքը, որով սահմանվել է, որ հարկ վճարողի դիմումից հետո միասնական հաշվին առկա գումարի վերադարձը 20-օրյա ժամկետում չվճարելու դեպքում տույժերի հաշվարկը սկսվելու է ոչ թե 90, այլ 30 օր հետո:
- ☞ ՀՀ կառավարության հավանությանն են արժանացել «Առևտրի և ծառայությունների մասին» ՀՀ օրենքում փոփոխություն և լրացումներ կատարելու մասին» ՀՀ օրենքի նախագծի համապատասխան փաթեթը, որով կանոնակարգվում է բազմաբնակարան շենքերում և դրանց անմիջական հարևանությամբ գործող գիշերային ակումբների և զվարճանքի այլ օբյեկտների գործունեությունը:
- ☞ 14.12.2017թ. ընդունվել է «Բաժնետիրական ընկերությունների մասին» ՀՀ օրենքում լրացում և փոփոխություններ կատարելու մասին» ՀՀ օրենքը, որով ընկերության փոխկապակցված անձինք պարտավորեցվել են մինչև գործարքի կնքումը բացահայտել նաև փոխկապակցվածությանն առնչվող հանգամանքները, նախատեսվել է, որ խորհրդի անդամների ռեեստրում պետք է ներառվեն տեղեկություններ նաև ընկերության խորհրդի անդամի՝ այլ ընկերությունում զբաղեցրած պաշտոնում նրա իրավունքների ու պարտականությունների վերաբերյալ, ինչպես նաև, արգելվել է բաց բաժնետիրական ընկերություններում խորհրդի նախագահի և տնօրենի (գլխավոր տնօրենի) պաշտոնների համատեղումը:
- ☞ ՀՀ ՏՀՆՆ ԹԵԺ ԳԾԻ միջոցով սպասարկվել են գործարար և ներդրումային միջավայրին առնչվող մոտ 100 մասնագիտական հարցեր: Իրականացվել է 381 իրավական ակտերի նախագծերի կարգավորման ազդեցության գնահատում և տրվել է տնտեսական, այդ թվում՝ փոքր և միջին ձեռնարկատիրության, ինչպես նաև մրցակցության բնագավառներում կարգավորման ազդեցության գնահատման եզրակացություններ:

**ՓՄՁ աջակցության համակարգի կատարելագործում**

- ☞ «Պետական աջակցություն Հայաստանի ՓՄՁ ՋԱԿ հիմնադրամի կանոնադրական հիմնախնդիրների իրականացմանը» 2017 թվականի ծրագրի իրականացման համար ՀՀ 2017 թվականի պետական բյուջեից հատկացված 152.6 մլն ՀՀ դրամի շրջանակներում:

**Հայաստանի ՓՄՁ ՋԱԿ հիմնադրամի կողմից տրամադրվել է թվով 11487 աջակցություն հետևյալ ուղղություններով**

- Սկսնակ գործարարների ձեռներեցությանը թվով 464 աջակցություն:

- Ուսուցողական աջակցություն, այդ թվում՝ ոլորտային տեխնոլոգիական դասընթացներ թվով 246:
- Տեղեկատվական և խորհրդատվական թվով 10337 աջակցություն:
- Սկսնակ և գործող ՓՄՁ սուբյեկտներին թվով 81 վարկային երաշխավորությունների տրամադրում:
- ՓՄՁ միջազգայնացում, ներառյալ՝ ՁԵՑ գործունեության շրջանակներում, թվով 348
- Ոլորտային բիզնեսներին աջակցության շրջանակներում 11 դրամաշնորհի տրամադրում:
- Նոր սերնդի ՀԴՄ-ների արժեքի փոխհատուցման ծրագրի շրջանակներում թվով 126 ՓՄՁ սուբյեկտների աջակցություն:

#### «ՓՄՁ ներդրումներ» ՈՒՎԿ ՓԲԸ-ի կողմից՝

- Տրամադրվել է թվով 67 վարկ (62 վարկառու), այդ թվում՝ վարկավորվել է թվով 46 իրավաբանական անձ և 16 անհատ ձեռնարկատեր: Վարկավորման ծավալը կազմել է շուրջ 2.80 մլրդ ՀՀ դրամ:
- Ձեռք է բերվել թվով 2 կոմբայն, թվով 38 տրակտոր և թվով 71 հարակից սարքավորումներ շուրջ 848 մլն ՀՀ դրամ գումարի չափով և ֆինանսական վարձակալությամբ է տրամադրվել թվով 24 ֆիզիկական անձի, թվով 3 գյուղական համայնքի և թվով 7 իրավաբանական անձի: Լիզինգի պայմանագրային գումարը շուրջ 678.6 մլն ՀՀ դրամ է:

#### Ստեղծարար և ինովացիոն բիզնեսների զարգացում

- ☑ Ստեղծվել և գործարկվել է 200 ինժեներական և բարձր տեխնոլոգիական ոլորտի կազմակերպություններ ներառող տվյալների բազա, որի նպատակն է խթանել մասնավոր ընկերությունների, հետազոտողների և ներդրողների միջև համագործակցությունը:
- ☑ Մշակվել և ՀՀ կառավարություն է ներկայացվել Ինժեներական քաղաքի ստեղծման հայեցակարգը և հայեցակարգից բխող միջոցառումների իրականացման ժամանակացույցը:
- ☑ ԵՄ համաֆինանսավորմամբ իրականացվող «Աջակցություն Հայաստանում ՓՄՁ զարգացմանը» ծրագրի շրջանակում ներգրավված տեղական և միջազգային փորձագետների հետ համատեղ մեկնարկել են ՀՀ-ում նորարարության զարգացման նոր ռազմավարության և ճանապարհային քարտեզի մշակման, ինչպես նաև նորարարական էկոհամակարգի քարտեզագրման աշխատանքները:
- ☑ Նախարարության և «Ֆիլիպ Մորիս Ինթերնեյշնլ» ընկերության միջև ստորագրվել է փոխըմբռնման հուշագիր՝ ուղղված Հայաստանում ընկերության հետազոտությունների և մշակումների կենտրոնի հիմնմանը:
- ☑ «Ֆիլիպ Մորիս Ինթերնեյշնլ» ընկերության հետ պայմանավորվածություն է ձեռք բերվել հայկական 5 թիմերի հետ գիտահետազոտական նախագծեր իրականացնելու վերաբերյալ՝ ֆիզիկայի, մաթեմատիկայի, մեծ տվյալների վերլուծության, նյութաբանության և ինժեներական լուծումների ուղղություններով: Ընկերության կողմից 2017թ. նաև փոխըմբռնման հուշագրեր են ստորագրվել Երևանի պետական համալսարանի և Հայաստանի ազգային պոլիտեխնիկական համալսարանի հետ՝ համատեղ կրթական, հետազոտական ծրագրերի իրականացման և գիտահետազոտական կենտրոնի հիմնման նպատակով: Ընկերությունը Հայաստանի ազգային պոլիտեխնիկական համալսարանի հետ համատեղ նախատեսում է մագիստրոսական նոր կրթական ծրագրի իրականացում:
- ☑ Նախարարության և ֆրանսիական «Շնեյդեր Էլեկտրիկ» ընկերության միջև ստորագրվել է փոխըմբռնման հուշագիր՝ ուղղված ՀՀ-ում համատեղ ջանքերով գիտատեխնոլոգիական ոլորտի ծրագրերի իրագործմանը: Հայաստանի ազգային պոլիտեխնիկական համալսարանում 2017թ.-ից գործում է “Շնեյդեր Էլեկտրիկ”-ի Էներգիայի բաշխման և ավտոմատացման կոմպետենտության կենտրոնը:

- ☑ 2017թ. սեպտեմբերի 22-23-ը Երևանում անց է կացվել հայ-իրանական «Նանոգիտություն և տեխնոլոգիաներ» համաժողովը, որի շրջանակում ստորագրվել են 3 փոխըմբռնման հուշագրեր հայկական և իրանական ընկերությունների միջև /2-ը դեղագործության, 1-ը՝ խողովակների արտադրության ոլորտում/: Փետրվարին նախաստորագրվել, իսկ հոկտեմբերին ՀՀ և ԻԻՀ միջև ստորագրվել է գիտության և տեխնոլոգիաների ոլորտում համագործակցության փոխըմբռնման հուշագիրը, որն ուղղված է գիտության և տեխնոլոգիաների ոլորտում երկկողմ համագործակցությանը և նանոտեխնոլոգիաների բնագավառում փոխադարձ հետաքրքրություն ներկայացնող ուղղություններով /այդ թվում նանոտեխնոլոգիաներին առնչվող կրթություն և հետազոտություններ/ փորձի փոխանակմանը:
- ☑ ԵՄ համաֆինանսավորմամբ իրականացվող «Աջակցություն Հայաստանում ՓՄՁ զարգացմանը» ծրագրի շրջանակում ստեղծվել է Հայաստանում առաջին ստարտափ ակադեմիան (Startup Academy), որի նպատակն է աջակցել հայկական ստարտափ էկոհամակարգի զարգացմանը: Ծրագրին մասնակցության համար ստացվել են 42 հայտեր: Ակադեմիայի կողմից արդեն իսկ վերապատրաստվել են 16 սկսնակ թիմեր:
- ☑ Շարունակվել է ինովացիոն ոլորտի զարգացմանն ուղղված միջազգային համագործակցությունը Եվրասիական տնտեսական միության, Եվրամիության, ԱՊՀ շրջանակներում:
- ☑ Գլոբալ մրցունակության ինդեքսում Հայաստանի դիրքի բարելավման 2017-2018 թվականների միջոցառումների ծրագիրը հավանության է արժանացել ՀՀ կառավարության 2017թ. հուլիսի 13-ի նիստի N 30 արձանագրային որոշմամբ: Ներառված 36 միջոցառումներից 13-ը նախատեսված էր և իրականացվել է 2017 թվականի ընթացքում:



### Օրենսդրական կարգավորման բարելավում

- ☑ «Ազատ տնտեսական գոտիների մասին» ՀՀ օրենքում փոփոխություն կատարելու մասին» ՀՀ օրենքի նախագիծը հավանության է արժանացել ՀՀ կառավարության կողմից: Նախագծով առաջարկվող փոփոխությունների շնորհիվ որոշ դրույթներ համապատասխանեցվում են ԵԱՏՄ ազատ/հատուկ տնտեսական գոտիների և մաքսային օրենսդրության գործող դրույթներին, այդ թվում տարածքային ազատ տնտեսական գոտիների մասով, հստակեցվում են ազատ տնտեսական գոտու գործարկման և ազատ տնտեսական գոտու սահմանագծին ներկայացվող պահանջները, հստակեցվում են շահագործողների հայտերի գնահատման, թույլտվությունների տրամադրման և դադարեցման ընթացակարգերը, ամրագրվում է շահագործողների պարտավորությունների կատարման մոնիթորինգի համակարգը, հստակեցվում են ներգրավված կողմերի իրավասությունները և պարտականությունները:
- ☑ ՀՀ կառավարության հավանության է արժանացել «Հայաստանի Հանրապետության պետություն-մասնավոր գործընկերության քաղաքականություն» փաստաթուղթը, որի հիման վրա մշակվում է համապատասխան օրենսդրական փաթեթը:
- ☑ Բանակցային փուլում են ներդրումների խրախուսման և փոխադարձ պաշտպանության երկ-կողմ համաձայնագրերի նախագծերը 10 երկրների հետ, այդ թվում՝ Ճապոնիայի և Կորեայի:

### Ներդրումային ծրագրերի խթանման նախաձեռնություններ

- ☑ ՀՀ վարչապետի՝ մարզեր կատարած այցերի արդյունքում հավաքագրվել է շուրջ 180 ներդրումային ծրագիր, որոնցից 127-ը մշակվել և բերվել է ընդհանուր ձևաչափի: 25.12.2017թ. դրությամբ «ՓՄՁ ներդրումներ» ՈՒՎԿ ՓԲԸ-ի կողմից թվով 20 ներդրումային ծրագրի համար հաստատվել է 730.0 մլն դրամ և տրամադրվել 471.0 մլն դրամի ֆինանսավորում:

- ☑ ՀՀ ՏՀՆՆ կողմից ներկայացվել է շուրջ 70 ներդրումային ծրագիր, որոնք իրականացման տարբեր փուլերում են և ունեն ֆինանսավորում: Ծրագրերի իրականացման արդյունքում 2017թ. պետք է իրականացվեր շուրջ 493 միլիոն ԱՄՆ դոլարի ներդրում և ստեղծվեր շուրջ 7300 նոր աշխատատեղ: Տարվա արդյունքներով իրականացվել է շուրջ 506 միլիոն ԱՄՆ դոլարի ներդրում և ստեղծվել 5200 նոր աշխատատեղ:
- ☑ Գերակա ոլորտներում իրականացվող ներդրումային ծրագրերի շրջանակներում 2017թ. ներմուծման մաքսատուրքից ազատման արտոնություն է ստացել 38 ընկերություն: Ընկերությունների ներդրումային ծրագրերով նախատեսված է մոտ 492.2 մլն. ԱՄՆ դոլարի ներդրում և մոտ 3082 նոր աշխատատեղերի ստեղծում:
- ☑ «Մեծ Քառյակի» (Big Four) անդամ «Քեյ Փի Էմ Ջի» (KPMG) հեղինակավոր խորհրդատվական ընկերության և նախարարության համատեղ ջանքերով մշակվել է ներդրումային ուղեցույց (Armenia. Great country, smart opportunities):
- ☑ Կազմակերպվել են մի շարք ներդրումային համաժողովներ (Նյու-Յորքի, Հայ-Իրանական, Հայ-Էմիրաթական, հայ-իտալական, հայ-վրացական, հայ-լիբանանյան և այլ), որոնց ընթացքում ներկայացվել են Հայաստանում ներդրումների համեմատական առավելությունները և հնարավորությունները դեպի այն շուկաներ, որոնցում Հայաստանն ունի արտոնյալ առևտրային պայմաններ:
- ☑ ՀՀ կողմից նախագծվել և ներդրվել է ներդրումների խթանման և ներդրողների սպասարկման «մեկ պատուհան»-ի սկզբունքով գործող համակարգը, հիմնված ֆրանսիական «Բիզնես Ֆրանս», չեխական «Չեխինվեստ» և ֆիննական «Ֆինպրո» ներդրումների խթանման գործակալությունների փորձի վրա:
- ☑ Ստեղծվել է ՀՀ կառավարության կողմից առաջարկվող արտոնությունների բազա:

### **Ներդրումային հիմնադրամներ**

- ☑ Ներդրումային ծրագրերի համար ֆինանսական ռեսուրսների հասանելիության ընդլայնման նպատակով Համահայկական բանկը ՀՀ կենտրոնական բանկի խորհրդի որոշմամբ, տրանսֆորմացվել է Համահայկական վարկային կազմակերպության և հիմնվել Համահայկական ներդրումային ֆոնդ՝ Համահայկական վարկային կազմակերպության վարկային ակտիվները փոխանցելով ներդրումային ֆոնդին: Նախատեսվում է տրանսֆորմացման արդյունքում ստեղծվելիք վարկային կազմակերպության 100% բաժնետոմսերի ձեռքբերում «ՓՄՁ ներդրումներ» ՈՒՎԿ ՓԲԸ-ի կողմից՝ որպես պետություն-մասնավոր հատված համագործակցության առանձնահատուկ միջնորդ և մասնագիտացված ֆինանսական կառույց՝ արդյունքում դառնալով Համահայկական ներդրումային ֆոնդի միակ փայտեր և կառավարիչ:
- ☑ Հիմնադրվել է «Հայաստանի ներդրողների ակումբ» ներդրումային ֆոնդը, որը դիտարկում է արդյունաբերական և էներգետիկայի ոլորտի թվով 8 ծրագիր, 1 մլրդ. 95 մլն ԱՄՆ դոլար արժողությամբ, իսկ իրենց կողմից նախատեսվող կատարվելիք ներդրումների ծավալը գնահատվում է 123 մլն ԱՄՆ դոլար:

### **Ազատ տնտեսական գոտիներ**

- ☑ 2017թ. ընթացքում «Ալյանս» ազատ տնտեսական գոտու շահագործողի թույլտվություն է ստացել 6 ընկերություն, իսկ «Մերիդիան» ազատ տնտեսական գոտու շահագործողի թույլտվություն է ստացել 1 ընկերություն: Վերոնշյալ ընկերությունների կողմից նախատեսվում է իրականացնել մոտ 112.4 մլն. ԱՄՆ դոլարի ներդրում և ստեղծել մոտ 1285 նոր աշխատատեղ:
- ☑ Դեկտեմբերի 15-ին, ՀՀ վարչապետ Կարեն Կարապետյանի ներկայությամբ, տրվել է «Մեդրի» ազատ տնտեսական գոտու (ԱՏԳ) գործունեության պաշտոնական մեկնարկը: Պաշտոնական բացման արարողության ժամանակ կնքվել են մի շարք փաստաթղթեր: Մասնավորապես՝ ԱՏԳ



կազմակերպման վերաբերյալ պայմանագիր է կնքվել ՀՀ ՏՀՆՆ և «Մեդրի ազատ տնտեսական գոտի» փակ բաժնետիրական ընկերության միջև: Համագործակցության հուշագրեր են կնքվել նաև «Մեդրի» ԱՏԳ ՓԲԸ-ի և «Հայիդրոէներգանախագիծ» ՓԲԸ-ի միջև, «Մեդրի» ԱՏԳ ՓԲԸ-ի և «Արման ընդ պարտնյոր» ՍՊԸ-ի («Այս Հաուս» խումբ) միջև, «Մեդրի» ԱՏԳ ՓԲԸ-ի և Հայաստանում Ռուսաստանի Դաշնության առևտրային ներկայացուցչության միջև:

- ☑ Օգոստոսի 17-ին ՀՀ ՏՀՆ նախարար Սուրեն Կարայանը և Իրանի Իսլամական Հանրապետության Նախագահի խորհրդական, Առևտրական ազատ գոտիների համադրման խորհրդի քարտուղար Աքբար Թորքանը ստորագրել են համագործակցության հուշագիր: Հուշագրի նպատակն է սահմանել Հայաստանի և Իրանի միջև ազատ տնտեսական գոտիների ոլորտում համագործակցության հիմնական ուղղությունները, մասնավորապես ապահովել «Մեդրի» ազատ տնտեսական գոտու և «Արաս» տնտեսական հատուկ գոտու առաջնորդում և սերտ փոխգործակցությունը վերջիններիս զարգացման նպատակով:
- ☑ Անդամակցել ենք Համաշխարհային ազատ տնտեսական գոտիների կազմակերպությանը (WFZO):



## Զ Բ Ո Ս Ա Շ Ր Զ Ո Ւ Թ Յ Ո Ւ Ն

- ☑ Զբոսաշրջության ոլորտի իրավական դաշտի բարելավման նպատակով ՀՀ կառավարության աշխատակազմ է ներկայացվել
  - «Զբոսաշրջության մասին» ՀՀ նոր օրենքի նախագծի փաթեթը:
  - «Ուխտագնացություն դեպի առաջին քրիստոնյա երկիր» ռազմավարությանը հավանություն տալու մասին» ՀՀ կառավարության որոշման նախագիծը.
  - «Զբոսաշրջության մեծ ներուժ ունեցող նոր ուղղությունների զարգացման ծրագրին, ծրագրի իրականացման միջոցառումների ժամանակացույցին և նոր ուղղությունների զարգացման երեք ենթածրագրերին հավանություն տալու մասին» ՀՀ կառավարության արձանագրային որոշման նախագիծը.
  - Առնվազն 20 զբոսաշրջային վայր չհանդիսացող պատմամշակութային հուշարձաններն ու բնության հատուկ պահպանվող տարածքներն զբոսաշրջության վայր դարձնելու ծրագրին հավանություն տալու մասին» ՀՀ կառավարության արձանագրային որոշման նախագիծը:
- ☑ Հայաստանի զբոսաշրջության գրավչությունները ներկայացվել են թվով 5 միջազգային ցուցահանդեսներին, ինչպես նաև Profi.travel առցանց ցուցահանդեսին:
- ☑ Պետական աջակցություն է ցուցաբերվել 8 փառատոնների անցկացմանը:
- ☑ Գյումրիում և Մեդրիի ԱՏԳ-ում բացվել են զբոսաշրջային տեղեկատվական կենտրոններ՝ ՀՀ պետական աջակցությամբ Հայաստանի մարզերում արդեն գործում են 5 տեղեկատվական կենտրոններ:
- ☑ Իրականացվել են միջոցառումներ ներքին զբոսաշրջության խթանման նպատակով, մասնավորապես «Ճանաչի՛ր երկիրդ», «Բացահայտիր քեզ համար քո երկիրը», «Fun Armenia»: խորագրով արշավները:
- ☑ Ճանաչողական այցով Հայաստան են այցելել 11 երկրներից թվով 102 միջազգային հայտնի ԶԼՄ ներկայացուցիչներ, արդյունքում մինչ այսօր Հայաստանի մասին տպագրվել է 100-ից ավելի հոդված միջազգային մամուլում և ցուցադրվել թվով 15 տեսանյութ, արդյունքները շարունակական են:
- ☑ Մեկնարկել է էլեկտրոնային մարքեթինգի ռազմավարության իրագործումը: Մեկնարկել է Armenia.Travel զբոսաշրջային պաշտոնական կայքը, որը Google որոնողական համակարգում գովազդային արշավի և օպտիմիզացման արդյունքում ապահովել է կայքի այցելուների կտրուկ աճ, Հայաստանի զբոսաշրջային արդյունքը ներկայացվում է Facebook, Instagram, VK,

Telegram, Twitter, Google Plus սոցիալական ցանցերում հարթակներում, 3 ամսվա ընթացքում Հայաստանի զբոսաշրջային արդյունքի մասին թվային պլատֆորմներում եղել է +60 մլն դիտում (impression)

- Օ Նկարահանվել են Հայաստանի մասին գովազդային տեսահոլովակներ, որոնք հրապարակման առաջին 24 ժամվա ընթացքում ապահովել է մոտ 300 հազար գրառման հասանելիություն, մոտ 100 հազար դիտում և մոտ 10 հազար արձագանք (reactions, comments & shares), վերջիններս թարգմանվել և տարածվել են թիրախային շուկաներում
- Օ Ապահովվել է մասնակցությունը ՄԱԿ Զբոսաշրջության համաշխարհային կազմակերպության մի շարք քննարկումներին ու նստաշրջաններին, Մետաքսի ճանապարհի շրջանակներում ՄԱԿ ԶՀԿ աշխատանքային խմբի հանդիպմանը, Սանկտ Պետերբուրգում կայացած ԱՊՀ զբոսաշրջության խորհրդի հերթական նիստին, ԱՄԷ-ում կայացած VFS Global ընկերության կողմից կազմակերպված iConnect ամենամյա կոնֆերանսին:
- Օ UNWTO և BSEC հետ համատեղ Մետաքսի ճանապարհի շրջանակներում մշակվել և ներկայացվել է «Գինու զբոսաշրջություն» զբոսաշրջային արդյունքի ռազմավարությունը և մարքեթինգային քաղաքականությունը:
- Օ Սահմանային անցման գործընթացը դյուրացվել է Զինաստանի, ԱՄԷ, Քաթարի, Ճապոնիայի, Հնդկաստանի և ՌԴ քաղաքացիների համար:
- Օ Մշակվել են ՀՀ կառավարության և Մեքսիկական Միացյալ նահանգների կառավարության միջև զբոսաշրջության բնագավառում համագործակցության մասին Փոխըմբռնման Հուշագրի նախագիծը և ՀՀ և ԶԺՀ միջև համատեղ գործողությունների ծրագրի նախագիծը:



## ԵՄ ԵՎ ԵՐԿԿՈՂՄ ՀԱՄԱԳՈՐԾԱԿՑՈՒԹՅՈՒՆ

- Օ 2017թ. նոյեմբերի 24-ին Բրյուսելում կայացած ԵՄ Արևելյան գործընկերության գագաթաժողովի ընթացքում ստորագրվել է ՀՀ-ԵՄ Համապարփակ և ընդլայնված գործընկերության համաձայնագիրը:
- Օ 2017թ. մեկնարկել են 3 ԵՄ բյուջետային աջակցության ֆինանսավորման համաձայնագրեր՝ մոտ 45 մլն եվրո ընդհանուր արժեքով:
- Օ Ստորագրվել, հաստատվել և ուժի մեջ է մտել Սևծովյան ավազանի երկրների անդրսահմանային համագործակցության ծրագրի ֆինանսավորման համաձայնագիրը՝ 54 մլն եվրո բյուջեով:
- Օ Ամփոփվել են «Հայաստանում ներդրումների խթանման և ներդրումային քաղաքականության ինստիտուցիոնալ կարողությունների հզորացում» և Հայաստանի ազգային վիճակագրական համակարգի ամրապնդում- II փուլ» Թվինինգ ծրագրերը:
- Օ Հաստատվել են 15 Թայեքս հայտեր: Հանրային կառավարման բարեփոխումների ԵՄ բյուջետային աջակցության ծրագրի շրջանակներում նախաձեռնվել են 2 նոր Թվինինգ ծրագրերի հատկորոշման աշխատանքները:
- Օ Բանակցվել ու հաստատվել է 2018 թվականի ՍԻԳՄԱ ծրագրի տարեկան աշխատանքային ծրագիրը:
- Օ Հաստատվել ու մեկնարկել է Սոսյու գործիքի ներքո առաջին ծրագիրը Աշխատանքի և սոցիալական հարցերի նախարարության հետ:
- Օ Կազմակերպվել և անց են կացվել 6 միջկառավարական հանձնաժողովների նիստեր, մասնավորապես՝ Հանոյում՝ հայ-վիետնամական, Երևանում՝ հայ-տաջիկական, հայ-չեխական, հայ-ղազախական, հայ-լիտվական, Մինսկում՝ հայ-բելառուսական միջկառավարական հանձնաժողովի նիստերը, ինչպես նաև հայ-լատվիական միջկառավարական հանձնաժողովի փորձագիտական խմբի հանդիպումը: